

ridionalibus, durantibus etiam pluviis, trementibus cœli fragoribus concutiantur omnia. Iisdem halitibus a calore elevatis pestem febresque malignas adscribit *Woodwardus*, cui regerit Noster, aliam rationem esse febrium epidemicarum, ipsiusque pestis, facile propagandæ, ubi nec arsenici, nec noxii alius mineralis vestigium possit ostendi, imo ipsa febrium symptomata huic sententiæ refragari. Succinum non esse substantiam gummosam vel resinolam Solis vi ex arboribus extractam, in flumina & mare delapsam, ibique coagulata & indurata, quæ antiquorum fuit opinio, sed esse potius fossile nativum, tempore diluviano in terræ, arenæ &c. stratis primitus repositum, dicit *Woodwardus*, quem tamen breviter refutat Noster. Mittimus alias ejus opiniones, circa superficiæ terrestris mutationes, fossilium figuratorum ortum, a Nostro notatas, hoc solum addentes, clarissimum Antorem in Dissertat. XX seu ultima specimen tentaminum simplicissimorum, quibus præcipuas Experimentalis Physicæ studii doctrinas in patria nuper Academia curiosis exhibuit, sistere.

RISPOSTA APOLOGETICA DEL P. MAESTRO
D. Guido Grandi Camaldolese &c.

Id est,

P. MAGISTRI GUIDONIS GRANDI CAMALDULENSIS, Regiæ Celsitudinis Etruriæ Theologi & Mathematici, atque in Pisana Academia Philosophiæ Professoris Ordinarii, Apologética Responso ad objectiones A. M. in epistola ad Ill. B. T. contra ipsum motas; in qua data occasione Galileus atque Vivianus defenduntur, variaque circa doctrinam Resistentiæ solidorum & circa vim Infiniti illustrantur.

Luca, apud Peregrinum Frodianum, 1712, 4.
Alph. i plag. 13 cum fig. ligno incis.

DUO sunt in secunda editione Tractatus de Quadratura Circuli & Hyperbolæ R. P. Gu. Grandi (de qua in Actis Suppl. T. V p. 260 dictum) quæ Alexandro Marchetto Math. Prof. Pisano displi-